

卷八十八

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷八十八
 內容分類 集-總集-各代-唐
 索書號 集部-總集-35
 編號 D7841100

[彩色首頁1](#)

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暝皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

兼黃史然出限悉數朱書山回由怪壯軍

水以... 四上... 韓信... 壯軍

... 壯軍

... 壯軍

... 壯軍

唐詩品彙八十八卷

正變

李商隱十三首

隋宮

紫泉宮殿鎖烟霞欲取蕪城作帝家玉璽不緣歸日
角錦帆應是到天涯于今腐草無螢火終古垂楊有
暮鴉地下若逢陳后主豈宜重問後庭花

籌筆驛

魚鳥猶疑畏簡書風雲長為護儲胥徒令上將揮神
筆終見降王走傳車管樂有才終不忝關張無命復
何如他年錦里經祠廟梁甫吟成恨有餘

詩眼云首言其號令

嚴明千百年後魚鳥猶畏之次言忠義貫神明風雲猶護其藩籬壁壘至於三聯屬清切又有意他人不能及

九成宮

十二層城闔苑西平時避暑拂虹霓雲隨夏后雙龍尾風逐周王八駿蹄吳岳曉光連翠巘井泉晚景上丹梯荔枝蘆橘沾恩澤鸞鳥鵲天書濕紫泥

馬嵬

海外徒聞更九州他生未卜此生休空聞虎旅鳴宵柝無復鷄人報曉籌此日六軍同駐馬當時七夕笑牽牛如何四紀為天子不及靈家有莫愁詩眼云首聯語清切高雅故不用愁怨墮淚等語而聞者為之深悲次聯如親處明皇駕出當時意味三聯語益奇世人

但稱巧麗不識其高情遠韻可嘆也

茂陵

漢家天馬出蒲稍首着榴花遍近郊內苑只知啣鳳嘴屬車無復插雞翹玉桃偷得憐方朔金屋粧成貯阿嬌誰料蘇卿老歸國茂陵松柏雨蕭蕭

碧城

碧城十二曲闌干犀辟塵埃玉辟寒闔苑有書多附鶴女墻無樹不栖鸞星沉海底當窓見雨過河源隔坐看若是曉星明又定一生長對水晶盤

富平少侯

七國三邊未到憂十三身襲富平侯不收金彈拋林

外却惜銀床在井頭綵樹轉燈珠錯落綉檀回枕玉
雕鏤當關莫報侵晨客新得佳人字莫愁

少年

外戚平羗第一功生年二十有重封直登宣室螭頭
上橫過其泉豹尾中別館覺來雲雨夢後門歸去蕙
蘭叢灞陵夜獵遊田竇不識寒郊自轉蓬

促漏 此篇擬深宮
怨女而作

促漏遙鐘動靜聞報章重疊香難分舞鸞鏡匣收殘
黛睡鳴香爐換夕熏歸去豈知還向月夢來何處更

為雲南塘漸煖蒲堪結兩兩鴛鴦護水紋郝新齋云
恨不如鴛

娥入月神女為雲又不如鴛
鳥之有匹也有感之辭也

聞歌

欽笑凝眸意欲歌高雲不動碧嵯峨銅臺罷望歸何
處王輦忘來事幾多青塚路邊南鴈盡細腰宮裏北
人過此聲腸斷非今日香炷燈光柰尔何

錦瑟

錦瑟無端五十絃一絃一柱思華年在生曉夢迷蝴蝶
蝶望帝春心託杜鵑滄海月明珠有淚藍田日煖玉
生烟此情可待成追憶祇是當時已惘然細素雜記
云李義山

此詩山谷讀之殊不曉其意以問東坡答曰古今
樂志云錦瑟其絃五十柱亦如之其聲也適怨清

和按李詩中四句曲盡其意
唐史稱其瑰邁奇古信焉

寫意

燕鴈迢迢隔上林高秋望斷正長吟人間路有潼江
險天外山惟玉壘深殘日花間留返照片雲城上結
層陰三年已制思鄉淚更入新年恐不禁

哭劉蕡

上帝深居閉九閭巫咸不下問銜冤廣陵別後春濤
隔滄浦書來秋雨翻只有安仁能作誄何曾宋玉解
招魂平生風義兼師友不敢回君哭寢門

許渾十七首

秋日早朝

宵衣應待絕更籌環珮鏘鏘月下樓井轉輓轡千樹
曉鎖開閭闔萬山秋龍旂盡引趨金殿雉扇繞分拜

玉旒塵戴鐵冠無事日滄江歸去老漁舟

凌歊臺

宋祖凌歊樂未回三千歌舞宿層臺湘潭雲盡暮山
出巴蜀雪消春水來行殿有基荒薜合寢園無主野
棠開百年便作萬年計岩畔古碑空綠苔

咸陽城東樓

獨上高城萬里愁蒹葭楊柳似汀洲溪雲初起日沉
閣山雨欲來風滿樓鳥下綠蕪秦苑夕蟬鳴黃葉漢
宮秋行人莫問當年事故國東來渭水流

登故洛陽城

禾黍離離半野蒿昔人城此豈知勞水聲東去帝朝

變山勢北來宮殿高鴉噪莫雲歸古堞鴈迷寒雨下
空壕可憐緱嶺登仙子猶白吹笙醉碧桃

金陵懷古

玉樹歌殘王氣終景陽兵合戍樓空楸梧遠近千官
塚禾黍高低六代宮石燕拂雲晴亦雨江豚吹浪夜
還風英雄一去豪華盡唯有青山似洛中

姑蘇懷古

宮館餘基倚棹過黍苗無限獨悲歌荒臺麋鹿爭新
草空苑鳥鷺占淺莎吳岫雨來虛檻冷楚江風急遠
帆多可憐國破忠臣死日日東流生白波

驪山

聞說先皇醉碧桃日華浮動鬱金袍風隨玉輦笙歌
迥雲捲珠簾劍佩高鳳駕北歸山寂寂龍輿西幸水
滔滔蛾眉沒後巡遊少瓦落宮墻見野蒿

題衛將軍廟

序云將軍名遼陽羨人高祖
始建義旗遼以勇藝進備行

列洎禽竇建德遜特挾鎗劍前後突翼
太宗奇之天下定錄其功拜將軍宿衛
以毋老乞歸侍許之及卒邑人懷其賢
廟于荆溪以平生子甲懸廟下歲時祠
祭而國史闕書其人因題詩于廟

武牢關下護龍旗挾槊彎弓馬上飛漢業未興王霸
在秦軍絕散魯連歸墳穿大澤埋金劍廟枕長溪掛
鐵衣欲奠忠魂何處問葦花楓葉雨霏霏

祇命南海廬陵逢表兄軍倅奉使淮海別

後却寄是詩

盧橘花香拂釣磯美人猶舞越羅衣三洲水淺魚來少五嶺山高鴈到稀客路晚依紅樹宿鄉關朝望白雲歸交親不念征南吏昨夜風帆去似飛

○ 潁州從事西湖亭燕餞

西湖清讌不知回一曲離歌酒一杯城帶夕陽聞鼓角寺臨秋水見樓臺蘭堂客散蟬猶噪桂楫人稀鳥自來獨想征車過鞞洛此中霜菊繞潭開

瓜州留別李詡

泣玉三年一見君白衣顛顛更離群楊堤惜別春潮晚花榭留歡夜漏分孤館宿時風帶雨遠帆歸處水

連雲悲歌曲盡莫重奏心遶關河不忍聞

○ 寓居開元精舍酬薛秀才見貽

知已蕭條信陸沉茂陵扶疾卧西林芰荷風起客堂靜松桂月高僧院深清露下時傷旅鬢白雲歸處寄鄉心勞君詩思猶相憶題在空齋夜夜吟

乘月棹舟送大曆寺靈聰上人不及

萬峰秋盡百泉清舊鎖禪扉在赤城楓浦客來烟未散竹窗僧去月猶明杯淨野渡魚龍遠錫響空山虎豹驚一字不留何足訝白雲無路水無情

晚自朝臺至韋隱君郊園

秋來鳧鴈下方塘繫馬朝臺步夕陽村逕繞山松葉

暗柴門臨水稻花香雲連海氣琴書潤風帶潮聲枕
簾涼西去磻溪猶萬里可能垂白待文王。

村舍

尚平多累自歸難一日身閑一日安山迳晚雲收獵
網水間涼月掛漁竿花聞酒氣春風遠竹裏棋聲夜
雨寒三頃水田秋更熟北窗誰拂舊塵冠

卧疾

寒窓燈盡月斜輝珮馬朝天獨掩扉清露已凋秦塞
柳白雲空長越山薇病中送客難為別夢裏還家不
當歸唯有寄書星果得卧聞燕鴈向南飛

晨起白雲樓寄龍興江隼上人兼呈竇秀

才

茲樓今是望鄉臺鄉信全稀曉鴈哀山翠萬重當檻
出水光千里抱城來東岩月在僧初定南浦花殘客
未回欲吊靈均能賦否秋風還有木蘭開

劉滄 十九首

咸陽懷古

經過此地無窮事一望凄然感廢興渭水故都秦二
世咸原秋草漢諸陵天空絕塞聞邊鴈葉盡孤村見
夜燈風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲芳草自生宮殿

處牧童誰識帝王城殘春楊柳長川迥落日蕪葭遠
水平一望青山便惆悵西陵無主月空明

長洲懷古

野燒空原盡荻灰吳王此地有樓臺千年事往人何
在半夜月明朝自來白鳥影從江樹沒清猿聲入楚
雲哀停車日晚薦蘋藻風靜寒塘花正開

浙江晚渡懷古

蟬噪秋風滿古堤荻花寒渡思淒淒潮聲歸海鳥初
下草色連江人自迷碧落晴分平楚外青山晚出穆
陵西此來一見垂綸者却憶舊居明月溪

經麻姑山

麻姑此地煉神丹寂寞烟霞古甃殘一自仙娥歸碧
落幾年春雨洗紅蘭帆飛震澤秋江遠雨過陵陽晚
樹寒山頂白雲千萬片時聞鸞鶴下仙壇

江行書事

遠渚蕪葭覆綠苔姑蘇南望思徘徊空江獨樹楚山
背暮雨孤舟吳苑來人渡深秋風葉落鳥飛殘照水
烟開寒潮欲上泛蘋藻寄薦三閩情自哀

題龍門僧房

靜室遙臨伊水東寂寥誰與此身同禹門山色度寒
磬蕭寺竹聲來晚風僧宿石龕殘雪在鴈歸沙渚夕
陽空偶將心地問高士坐指浮生一夢中

宿天壇觀

沐髮清齋宿洞宮
桂花松韻滿岩風
紫霞曉色秋山霽
碧落寒光夜月空
華表鶴聲天外迥
蓬萊仙界海門通
冥心一候虛無理
寂寞玄珠象罔中

入關留別主人

此來多愧食魚心
東閣將辭更一吟
疋馬客程秋草合
萬蟬關樹古槐深
風生古渡河聲急
鴈過寒原岳勢侵
對酒相看自無語
幾多離思入瑤琴

題馬太尉華山莊

別開也館背山陰
近得幽奇物外心
竹色拂雲連岳寺
泉聲帶雨出溪林
一庭楊柳春光莫
三徑烟蘿晚翠深
自是功成閑劍履
西齋長卧對瑤琴

題王校書山齋

猿鳥無聲晝掩扉
寒原隔水到人稀
雲晴古木月初上
雪滿空庭鶴未歸
藥圃地連山色近
樵家路入樹烟微
棲遲慣得滄浪思
雲閣還應夢釣磯

秋夕山齋即事

衡門無事閉蒼苔
籬下蕭疎野菊開
半夜秋風江色動
滿山寒葉雨聲來
鴈飛關塞霜初落
書寄鄉山客未迴
獨坐高窓此時節
一彈瑤瑟自成哀

寓居寄友人

雨餘虛館竹陰清
獨坐書窓軫旅情
芳草衡門無馬

跡古槐深巷有蟬聲夕陽雲盡嵩峯出遠岫烟銷洛
水平入夜南原賞佳景月高風定苦吟生

秋日山寺懷友人

蕭寺樓臺對夕陰淡烟踈磬散空林風生寒渚白蘋
動霜落秋山黃葉深雲盡獨看晴塞鴈月明遙聽遠
村砧相思不見又經歲坐向松窓彈玉琴

送李休秀才歸嶺中

南泛孤舟景自饒蕪葭汀浦晚蕭蕭秋風漢水旅愁
起寒木楚山歸思遙獨夜猿聲和落葉空江月色帶
回潮故園新過重陽節黃菊滿籬應未凋

送元叙上人歸上黨

時罷兵

太行關路戰塵收白日思鄉別沃洲薄暮焚香臨野
燒清晨漱齒涉寒流溪邊殘壘空雲木山上孤城對
驛樓此去寂寥尋舊跡蒼苔滿徑竹齋秋

和友人憶洞庭舊居

客舍經時益苦吟洞庭猶憶在前林青山殘月有歸
夢碧落片雲生遠心溪路烟開江月出草堂門掩海
濤深因君話舊起愁思隔水數聲何處砧

留別崔幹秀才昆仲

汶陽離思水無窮去住情深夢寐中歲晚虫鳴寒草
露日斜蟬噪古槐風川分遠岳秋光靜雲盡遙天霽
色空對酒不能傷此別赤書憑鴈往來通

寄遠

西園楊柳暗驚秋
寶瑟朱絃結遠愁
霜落鴈聲來紫塞
月明人夢在青樓
蕙心迢遞湘雲暮
蘭思繁迴楚水流
錦字織成添別恨
關河萬里路悠悠

唐詩品彙八十八卷

唐詩品彙八十九卷

餘響一首

杜牧五首

九日齊山登高

江涵秋影鴈初飛
與客携壺上翠微
塵世難逢開口笑
菊花須插滿頭歸
但將酩酊酬佳節
不用登臨怨落暉
古往今來只如此
牛山何必淚霑衣

寄題甘泉寺北軒

潤州

曾上蓬萊宮裏行
北軒闌檻最留情
孤高堪弄桓伊笛
縹緲宜聞子晉笙
天接海門秋水色
煙籠隋苑暮鍾聲
他年會着荷衣去
不向山僧道姓名